

Дээнэ халхин спорт даслгын өөдлджэнэ

Одахн Хальмг республикин ДОСААФ-н 1-ч пленум болв. Цугсоюзин ДОСААФ-н 4-ч хургин шиидвринг күцэлгэнэ тускар Хальмг республикин ДОСААФ-н ахлагч үр А. Добросердов пленумд доклад кев.

— Хальмг республикин колхозмудин, совхозмудин, МЖС-н, РТС-н болн школмудин харелтин организаце кōдлмшэн му биш ясурулв. Цугсоюзин ДОСААФ-н 4-ч хургин шиидврэс гардвр авч, харелтин организаце оln-амтн дунд харелтин болн спортивн кōдлмшэн өргэр делгрүлджэнэ. Эн джил кесг шофермүд, трактористнр, мотоциклистнр болн талдан чигн харелтин эрдм дасдж авцхав, — гидж үр А. Добросердов эврэннь докладтан темдгддж келв.

Яшалтинск, Западн, Каспийск болн Приютненск райодин ДОСААФ-н комитете эклц организацед дөнъ-тусан өгцхэнэ, обществин чледин тонь икар өсдж йовна. Иигэд эднэ кōдлмшнь ясрдг учрнь — ДОСААФ-н комитетсин болн эклц организацисн актив шунмгъа кевэр харелтин болн спортивн кōдлмшт орлцлгын болджана.

Западн болн Яшалтинск райодин ДОСААФ-н комитете оln-амтн дунд харелтин болн спортивн кōдлмш сэнэнэр делгрүлсн учрар, 1958 джилэ членск взнос мөнъгэн күтцднь цуглулдж авцхав.

1959 джил Хальмг республикин ДОСААФ-н комитет Элст балгъснд нег автоклуб, бу халгъна клуб секхмн. Эн клубсар ДОСААФ-н чледас автомаши, мотоцикл йовулдг болн мергэр бу хадг улс белдгдхмн.

Өдгэ цагт колхозмудин болн совхозмудин ДОСААФ-н эклц организаце селэнэ эдл-ахун күч-кōлсчнр дунд харелтин болн спортивн кōдлмш сэнэнэр делгрүлдж, шофермүд, трактористнр, мотоциклистнр белдсн деерэн теднд харелтин эрдм дасхх зөвтэ.

А. МАТВЕЕВ.